

Al-Kitab untu' Ana'-ana'
Memperssembahkan

Daniel sibawa tau
ritikkengnge



Parokina Iyanaritu: Edward Hughes

Pa'gambarana iyanaritu: Jonathan Hay
Alastair Paterson

Pengadaptasina iyanaritu:
Mary-Anne S.

Penterjemana iyanaritu: Pdt.
Jusuf Ursinus Ladja, MTh.

Paproduksina iyanaritu: Bible for Children
www.M1914.org

©2023 Bible for Children, Inc.

Ijin: Weedimmua rilemba iyaré curitaé iyakiya de' nawedding ri balu'.




Daniel sibawa tellu silaunna monro ri Israel. Engka siwettu pole seddi arung makuasa lao ri kampungna monro sibawa melo tiwi kallolo iya maccae lao ri negara. Asenna iyaro arung Nebukadnezar, monro ku Babel mabela pole ri Israel.



Iyaro kalloloe, ritungka madecengngi lettuna ri Babel. Arungnge pura napitte'ni kallolo pong maccae sibawa makessing pole sininna onrongnge ri linoe. Akkatana untu'paggurui ma'basa Babel, kuammengngi wedding maccaji pattuana untu' paluwangi'wi akkarungenna.



Anre kurao makessing to. Sinininna kallolo manre aga-aga nanre arungnge. Iyakiya Daniel sibawa silaunna de' namelo manre, nasaba pura napangolo ri barahala. Daniel pura ma'janci de' namelo pugau agi agi ya mewa'engngi Puwangna. Allataala Israel pura naparettang bangsanya untu' de; nasisumpung sibawa barahalae yarega ilah bele-bele.



Daniel makkutani lao kuseddi tau iya matoro'engngi
laleng aggurunna, kuammeng de' nanrei nanre iya
nanre arungnge. Rekko nissengngi arungnge,
mannessani macai. Iyakiya Allataala parakaiwi
Daniel na' ripoji wi ku tau laingnge.



Natarimani parellaunna Daniel sibawa tellu silaunna. Seppulo essona ikkaju bawang nanre sibawa uwai renung. Na lettuna esso makaseppuloe, Daniel sibawa silaunna pede'magalai naiiya, kallolo laingnge iya manree' nanrena arungnge. Nancajingi napattaru manre Ikkaju sibawa uwai renung.




Daniel sibawa tellu silaunna, napakalebbii
Allataala, Allataala namasei toi Daniel sibawa
silaunna. Allataala malangngi pengissengeng sibawa
awatangeng untu' pugai sininna iya nagguruiye,
Na Daniel yalangngi apanreng untu' mitai meloe
kajajiang ri esso mangoloe.





Tellu taungngi massikola ri Babel,
sininna Kalloloe mangoloni ku
arung Nebukadnezar. Arungnge
napitteni Daniel sibawa tellu
sialunna pong makessing na macca.
Sitongengna nissengngi arungnge
makkedae Daniel mappunangi
apanreng lebbi matanre naiya tau
accae alingngge engkae ri Babel.




Engka siwenni, katulu-tulu maja, i. Arungnge.
Nobbini sininna tau macca bettuangiwi katulu
tulue, pa'sehere lao mangolo ri arungnge Makkadani
arungnge, engka katulu tulukku, meloka missingngi
aga bettuanna. Mappedali
Seddi tau mapanre, Ehh
puang, tuwoki malampe
umuruta. Pudanni lao
ri seddi atammu, aga
katulu-tulutta,
na'wedding
ipudakki aga
bettuanna
katulu tulutta.



Mappebalini arungnge, "de' harusuko pudangnga bettuanna iyaro katulu tulukku. Narekko de' wunoku sibawa utunu api bolamu! Iyakiya narekko mupodangnga bettuanna,"
Walekko hadia'sibawa angke malebbi na makessing.
Mannessani de' gaga tau macca mulle bettuangiwi katulu tuluna arungnge.



Seddi tau acca ri akkarungenna, "makkedai ku arungnge, de' gaga seddi tau ri linoe mulle pugau agaga naelori arungnge, Banna ya punna kuasa iya dee' niriti, iyakiya de'nonro ku'lino'e ." Macai lanreni arungnge. Uno manengngi sininna tau mapanre' iya engkae ri Babel. Parentana arungnge.



Wettunna tantara-tantara
lokkai'wi Daniel, makkedani lao
ri Ariokh passepina arungnge
"Aga sabana arungnge melo
muno manengngi tau mapanre
iya engkae." Maccarita'ni
Ariokh aga kajajiang ku
Daniel. Daniel lao mangolo
ri arungnge mellau wettu,
untu bettuangi'wi
katulu tulunna.



Na, lesuni Daniel lao bolana,
na caritangen'ni ku silaunna
yanaritu Sadrakh, Mesakh sibawa
Abednego. Daniel de' nissengngi
aga katulu-tulunna sibawa aga
bettuanna. Iyakiya nissengnge
makkeda'e engka seddi mullei
misseng manengngi, iyanaritu
Allataala. Na' masumpajang'ni
Daniel sibawa
silaunna.



Allataala pitangngi Daniel lao-laona katulu-tulunna sibawa bettuanna. Mellau syukuruni Daniel ku Allataala ri surugae na'keda, Ripakelebbii asenna Allataala manennungeng, untu pangissengeng sibawa sininna Nappunaiye, Laoni magatti Daniel mangolo ku arungnge, nakkeda:



Engka Allataala ri suruga mullei bukkai rahasia
katulu-tulunna arungnge, Na, caritani Daniel lao-lona
katulu-tulunna arungnge sibawa bettuanna.



Wettunna arung Nebukandezar nengkalingai aga bettuanna katulu-tulunna, sujuni arungnge riyolo Daniel nappa makkeda "Tongeng'ngi Allataalamu yanaritu Allataala'na sininna ila-ila, sibawa Puwangna sininna arungnge. Allataala ya bukka'engngi sinninna tassubbu'e!" Nappa Daniel yakka mancaji tau iya punna akuasang ri nininna tana' Babel, mancaji ponggawana sininna tau mapanre ri Babel.



Daniel sibawa tau ritikkengnge

Seddi curita polé riada-adanna Puang
Allataala, Al Kitab,

riruntu' rilaleng

Daniel 1-2

"Rekko ripakanessai, ma'bbéréi tajang
pappaguruwam-Mu." Mazmur 119:130



Paccappareng



Iyaré curita pole ri Al-Kitab powadai passalenna Puang kaminang malebbi'é iya puraé pancajiki,' naiya maélo' toi kuammengngi idi' misseng toi Aléna.

Puangngé naissengngi makkeda purai ri pogau maja'é, iya riasengngé dosa. Pahukkungenna dosaé iyanaritu amateng, iyakiya Puangngé makkumani namaséi ki' na nabbéréangngi Ana' tungke'na, Isa, untu' maté ri aju sall'é sibawa tarimai pahukkungenna dosaé. Isa réwe'I ri atuwongngé sibawa lisui ri bola ri Suruga! Narékko mateppe'ki lao ri Isa na marellau ki' addampengeng lao ri dosata, maéloi pogau'I! MaéloI muttama sibawa monro ri laleng atuwommu, sibawa maéloI tuwo sibawaki' manennungeng.

Narékkó mateppe'ki' makkedaé tongengngi iya ada-adaé, powadai makkuwa lao ri Puangngé:

O Isa, mateppe'ka makkeda Idi' natu Puang, purani' mancaji tau lino enrengngé maté ri dosa-dosa ku, iyakiya makkekkuwangngé tuwoki' paimeng, Muttamaki' ri laleng atuwokku sibawa addampengengngi dosa-dosaku, kuwammengngi weddingngi ku tarimai atuwong mabarué, sibawa engka wettu kuwammengngi weddikka' sibawa ki' mannennungeng. Tulungka' maccowé ri Idi' sibawa tuwo pada-pada ana'ta. Amin.

Bacai kitta'é sibawa abbicaraki' lao ri Puangngé esso-esso! Yohanes 3:16

